



Skolverket

Utbildningsinfo

Barnaamijka caafimaadka, xanaanada iyo daryeelka

Barnaamijka caafimaadka, xanaanada iyo daryeelka waxuu ku habboon yahay qofkii raba inuu ka shaqeeyo howlo dadka wax loogu qabanaayo dadkaasoo da'doodu iyo xaaladahooduba kala duwantahay.

Waxeey ahaan kartaa ka shaqeynta goobaha xilli firaaqaha iyo iskoollada xanaanada carruurta.

Waxeey kaloo ahaan kartaa ka shaqeynta goobaha lagu daryeelo dadka da'da weyn.

Barnaamijka waxuu kaloo ku habboon yahay qofkii jecel inuu ka shaqeeyo sameynta cuntada saxda ah iyo aalamiitada iyo sida eey saameyn ugu sameeyaan bini'aadamka.

Waa inaad jeceshahay inaad dad kale la shaqeysid isla markaana aad daneyneysid adeeg wanaaga.

Waxaan ayaad barnaamijka ku baran doontaa

Waxaad baraneysaa horumarka bini'aadamka iyo baahida kala duwan oo eey dadka qabaan, carruur iyo waayeelba.

Waxaad baraneysaa qaababka kala duwan ee cuuriyannimada iyo xanaaneynta iyo daryeellida.

Waxaad fursad u heleysaa inaad baratid caafimaadka iyo caafimaad darrida.

Waxaad kaloo baraneysaa sida doorashada qaab nololeedka uu saameyn ugu sameyn karo caafimaadka.

Waxaad barnaamijka ku baraneysaa xuquuqul insaanka iyo dimuquraadiyadnimada iyo su'aalo ku saabsan anshaxa.

Su'aalaha la xiriira goobaha shaqada waa qeybo muhiim ah oo barnaamijka ka tirsan si uusan dhaawacyo kaaga soo gaarin shaqadaada mustaqbalka iyo si aad u heshid caafimaad wanaagsan.

Sidaan ayuu barnamijka u degsanyahay

Maaddooyinka barnamijyada dugsiyada sare ee dadka caqliga dhiman oo dhan eey kawada siman yihiin.

Dugsiyada sare ee dadka caqliga dhiman ee wadanka oo dhan ku yaal waxeey leeyihiin maaddooyin la barto oo eey kawada simanyihiin.

Waxaana la yiraahdaa Maaddooyinka barnamijyada dugsiyada sare ee dadka caqliga dhiman oo dhan eey kawada siman yihiin.

Maaddooyinkaas waa:

- Ingiriis
- Maaddada farshaxanka
- Taariikh
- Maaddada jimicsiga ciyaaraha
- xisaaab
- saynis
- diin
- cilmiga mujtamaca
- luqadda iswiidhishka ama luqadda iswiidhishka ee loogu tala galay ajaanibta

Maaddooyin kawada dhexeeya barnamijka waxbarasho

Barnamijka waxuu leeyahay maaddooyin kuwo xirfadeed ah ama maaddooyin astaan u ah waxaana leesku yiraahdaa maaddooyinka kawada dhexeeya barnamijka.

Ardayda dhigata barnamijka caafimaadka, xanaanada iyo daryeelka oo dhan weey akhrisanayaan maaddooyinka:

- caafimaadka
- bini'aadamka
- adeeg wanaaga
- xanaaneynta iyo daryeelidda

Kusii qoto dheerinta barnamijka

Waxaad baraneysaa maaddooyin badan oo kor uqaadaya cilmiga barnamijka aad dalbatay. Waxaa lagu magacaabaa qoto dheerin aad ku sameyneysid barnamijka.

Maaddaama iskoollada eey hayaan maaddooyin kala duwan oo qoto dheerin ardayda ku sameyn karaan waxaad la xiriirtaa iskoolka aad dalbanaysid waxaadna weeydiisaa maaddooyinka qoto dheeridda looga sameeyo ee iskoolkaas.

Warbixin dheeraada oo arrinkaas ku saabsan waxaad ka heli kartaa bogga internetka ee www.skolverket.se, qeybta ka hadleysa iskoollada xanaanada carruurta iyo iskoollada.

Doorashada madaxa bannaan

Waxaad kaloo sameyn kartaa doorasho madax banaan. Waxaad iskaa u dooran kartaa maaddooyin aan ku jirin kuwa laga barto barnamijka aad dalbatay, waana maaddooyin eey ardayda iskoolka oo dhan eey akhrisan karaan.

Qorshaha jiheynta maaddada

Maaddo kasta oo dugsiga sare ee dadka caqliga dhiman laga dhigto waxeey leedahay qorshaha jiheynta maaddada oo eey ku qoron yihiin koorsooyinka maaddooyinka eey ka kooban yihiin iyo dhibcaha lagu heli karo.

Haddii aad ka bixi kartid waxuu mudiirka iskoolka go'aamin karaa inaad dhigatid maaddooyinka laga barto dugsiga sare ee caadiga ah. Taasina waxeey kor u qaad-eysoo hiigsigaada waxbarasho.

Natiijo

Natiijo waxaad heleysaa markaad dhameysatid maaddo ama koorso. Macalinka ayaa qiimeyn ku sameynaya cilmiga aad baratay asigoo saldhig uga dhigaayo natiijooyinka A, C iyo E.

Apl

Cilmiga aad kasoo baratay barnaamijka aad dhigatid waxaad baraktiik ahaan ugu sameyneysaa goob shaqo.

Waxaa la yiraahdaa waxbarasho lagu sameynayo goob shaqo, marka lasoo gaabiyana waa Apl.

Shaqada dugsiga sare ee dadka caqliga dhiman

Si aad u muujisid waxa aad ku baratay barnaamijka waxbarasho ee aad dhigatid waxaad sameyneysaa Shaqada dugsiga sare ee dadka caqliga dhiman.

Maaddaama shaqada aad sameyneysid eey tusineyso waxa aad soo baratay oo dhan waxaad sameyneysaa dhamaadka waxbarashadaada.

Qorsho waxbarasho oo gaar ahaaneed

Waxaad leedahay qorsho waxbarasho oo gaar kuu ah. Waxaana ku qoran maaddooyinka iyo koorsooyinka aad dhiganeysid muddada waxbarasho ee dugsiga sare.

Go'aankasta oo ku saabsan waxa aad dhiganeysid waxaa laga helayaa qorshaha waxbarasho ee gaarka kuu ah.

Shahaaddada dugsiga sare ee dadka caqliga dhiman

Markaad afar sano kadib dhameysid dugsiga sare ee dadka caqliga dhiman waxaa lagu siinayaa shahaaddo muujineysa waxyaabaha aad soo baratay iyo khibradaha aad kororsatay waqtiga aad dhiganeysay dugsiga sare ee dadka caqliga dhiman.

Shahaaddada dugsiga sare ee dadka caqliga dhiman waxeey tusineysaa inta dhibcoo aad heshay muddada afarka sano aheyd ee aad waxbaraneysay.

Haddii aad ku baastay maaddooyinkaada oo marka leesku daro ku siinaya 2500 oo dhibcood waxaad dhameystir buuxo ku sameysay waxbarashadaada dugsiga sare ee dadka caqliga dhiman.

Sidaan ayaad u shaqeyneysaa markaad dhigatid barnaamijka

U'aalaha kala duwan waxaad ugu shaqeyneysaa hab shaqo gacameed ah iyo hab cilmi baaris labada ba.

Waxaad horumarin ku sameyneysaa kali shaqeynta iyo la shaqeynta dad kale.

Waxaa lagu siinayaa tababar ah sida loo xalliyo howlaha kala duwan ee loo baahan yahay si dadka loo siiyo kaalmada eey u baahan yihiin ee xagga daryeelidda iyo howsha guriga.

Waxaad kaloo ka shaqeyneysaa howlo kala duwan iyo nololaha xilli firaaqaha si aad u heshid aqoon aad shaqadaada ugu baahnaan kartid iyo aqoon aad isticmaali kartid markaad dad howl u qabaneynsid.

Barnaamijka waxuu tababar kuu siinayaa sida loo wada xaajoodo, sida loo fikiro iyo sida aad u dhiiban kartid fikradaada.

Waxaad horumarin ku sameyneysaa inaad sharrixi kartid sida aad ugu shaqeyneysid leyliska laguu diro.